

Ժողովուրդ

146
(2626)

14 հոկտեմբերի ուրբաթ 2022
տպագրության ժԱ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 112



Օրերս Ալավերդի խոշորացված համայնքում տրոհվող ավագանու անդրանիկ նիստն էր գումարվել, որի ժամանակ «Ապրելու երկիր» կուսակցության թեկնածուն համայնքապետ ընտրվեց: Ընտրության արդյունքներից ու հետընտրական «Ապրելու երկիր»-ՀԱԿ կալիցիայից դժգոհ իշխող «Քաղաքացիական պայմանագիր» կուսակցության ավագանու անդամներն ավագանու առաջին նիստը բոյկոտել ու չէին ներկայացել: Վարչապետ Նիկոլ Փաշինյանն ու նրա յուրայինները մեկ անգամ չէ, որ խոսել, քննադատել ու դատապատել են խորհրդարանական ընդդիմության մայիսից սկսած բոյկոտը՝ ասելով, թե ընդդիմությունն ԱԺ նիստերի մասնակցելով էլ կարող է իր բողոքն ու ցասումը տեղ հասցնել: Եթե խորհրդարանական ընդդիմության բոյկոտը պատճառաբանված է, լուրջ հիմքեր ունի, ապա ՔՊ-ի՝ Ալավերդիում համայնքապետ ընտրելու նիստին չմասնակցելը պարզապես երեխայական կամակորոպություն է: Ժողովրդավարության մասին օրոգիչներ աքս առող իշխանությունը, փաստորեն, դեմոկրատիան միայն իրեն հարմար ձեռով ու սեփական ափսեի մեջ է պատկերացնում, իսկ ընդդիմադիրների՝ ԱԺ նիստերը բոյկոտելը՝ քննադատելով՝ Փաշինյանը հերթական անգամ շեղել ու խաբել է մարդկանց:


«Ժողովուրդ» օրաթերթի տեղեկություններով՝ օրերս պարզեցվեց, որ ստացել ոչ միայն խորհրդարանի մեծամասնության՝ «Քաղաքացիական պայմանագիր» խմբակցության պատգամավորները, այլ նաեւ նրանց օգնականները, գործավարներն ու փորձագետները: Մեր տեղեկություններով՝ ոչ ընդդիմադիր «Հայաստան» ու «Պատիվ ունեմ» խմբակցության պատգամավորները, ոչ էլ նրանց օգնականները պարզեցվեցին չեն ստացել: Ընդդիմադիր խմբակցությունների գործավարներն ու փորձագետները նույնպես պարզեցվեցին չեն արժանացել: Ինչո՞ւ է պայմանավորված նման վերաբերմունքը, եւ ի՞նչ սկզբունքով է առաջնորդվել ԱԺ նախագահությունը: Հարցն ԱԺ նախագահի մամուլի քարտուղար Ծովինար Խաչատրյանին ուղղեցինք: «Քանի որ պատգամավորները չեն գալիս աշխատանքի, իրենց օգնականները հայեցողական պաշտոնի մարդիկ են: Նրանք, ենթարկվելով պատգամավորներին, աշխատանքի չեն գալիս: Հաշվի առնելով պատգամավորների ու նրանց օգնականների բացակայությունը՝ որոշվել է, որ պարզեցվեցին են ստանալու միայն նրանք, որ պատշաճ կերպով աշխատանքի են եկել»,- ի պատասխան մեր հարցին՝ ասաց Խաչատրյանը: Ի՞նչ է ստացվում. օրվա իշխանությունն անգամ պատգամավորների՝ առանց այն էլ ոչ բարձր աշխատավարձ ստացող օգնականների դեպքում է «իմ ու քո անում», մարդկանց սեւերի ու սպիտակների բաժանում: Հավելենք, որ կան ՔՊ-ական շատ պատգամավորների օգնականներ, որոնք ամիսներով աշխատանքի չեն հաճախում, նրանց դռները կողպված են, բայց քանի որ իշխանական պատգամավորի օգնական են, նաեւ պարզեցվեցին՝ աշխատանքի չգալու համար:



«Ժողովուրդ» օրաթերթի տեղեկությունների համաձայն՝ Ազգային անվտանգության ծառայության նախկին պետի տեղակալ Գրիշա Հարությունյանի դատավոր դատեր գործը կքննի Ազգային անվտանգության ծառայությունը, եւ դատելով իրավիճակից՝ առաջիկայում դատավոր Անի Հարությունյանը կիրավորվի ԱԱԾ՝ հարցաքննության: Դատավորը եւ իր մտերիմ շրջապատը սպասում են գործով քննության ընթացքին, որպեսզի հասկանան, թե որտեղից է «գալիս քամին», եւ այս քրեական հետապնդմամբ ինչ են ուզում հասկանալ դատավորին: Նկատենք, որ Անի Հարությունյանը Դատական դեպարտամենտի նախկին ղեկավար Կարեն Փոլադյանի եղբոր՝ Սևակ Փոլադյանի դատարանի դատավոր Տիգրան Փոլադյանի կինն է: Հիշեցնենք, որ 2022 թվականի հոկտեմբերի 12-ին գլխավոր դատախազի տեղակալի կողմից որոշում է կայացվել դատավոր Ա.Հ.-ի նկատմամբ հարուցել հանրային քրեական հետապնդում՝ ՀՀ դատական իշխանության մարմնի պաշտոնատար անձի կողմից հանցավոր ճանապարհով ստացված, առանձնապես խոշոր չափերով գույքի օրինականացման օժանդակելու, ինչպես նաեւ դատավոր Ա.Հ.-ի կողմից նույն չափերով գույքի չհայտարարագրմամբ զուգորդված հայտարարագրում կեղծ տվյալ ներկայացնելու համար:



Երեւանի քաղաքապետարանի նկատմամբ վարույթ է հարուցվել քաղաքապետարանի կողմից տնտեսական մրցակցության բնագավառում իրավախախտման հատկանիշների առկայությունը պարզելու նպատակով: Վարույթ հարուցող մարմինը մրցակցության պաշտպանության հանձնաժողովն է: Պարզվում է՝ քաղաքապետարանից պահանջվել է ներկայացնել ֆինանսական կամ իրավաբանական անձանց կողմից ինքնակամ կառույցների օրինականացման դիմումների վերաբերյալ տեղեկատվություն, «Քաղաքաշինություն» ընկերության եւ քաղաքապետարանի միջեւ կնքված բոլոր գործող պայմանագրերի պատճենները: Բացի այս, քաղաքապետարանը պետք է հանձնաժողովին ներկայացնեւ նաեւ Երեւանի քաղաքապետարանի կողմից «Քաղաքաշինություն» ՓԲԸ-ին 2018 թվականի հունվարի 1-ից մինչ օրս տրամադրված ֆինանսավորումների եւ կատարողականների վերաբերյալ տեղեկատվություն: Այս տվյալները փոխանցելու համար քաղաքապետարանին տրվել է ժամանակ՝ 5 աշխատանքային օր, սակայն քաղաքապետարանը պահանջված տեղեկատվությունը չի ներկայացրել սահմանված ժամկետում: Ըստ հանձնաժողովի՝ քաղաքապետարանի վարչապետի անդամները քաղաքապետարանում է պետական մարմնի պարտականության խախտման հատկանիշներ: Ավելին՝ հանձնաժողովն այս դեպքում իրավապետ է տնտեսվարող սուբյեկտներին, պետական մարմններին եւ դրանց պաշտոնատար անձանց տալու նախագուշացում կամ նշանակելու տուգանք: Նկատենք, որ մրցակցության պաշտպանության հանձնաժողովի ղեկավար Գեղամ Գեւորգյանը Երեւանի փոխքաղաքապետ Տիգրան Ավինյանի մտերիմն է, իսկ այս ստուգմամբ ինչ էլ պարզվի, վերաբերելու է նախկին քաղաքապետ Հայկ Մարությանին: Կ՛ր ինքնակամ շինություններն ապամոնտաժողը նախկին քաղաքապետ Հայկոն էր, ու եթե չարաշահումներ լինեն, նրա պաշտոնավարման են վերաբերելու:



ՄԻՎՎՈՐՈՒՄ

ԲՈՒՂԱԿԱՆ ԿԱՄԱԿԱՐԳԸ «ԿԱՎԵՐՎԻ»

Բյուսովի անվան լեզվաբանական դեպարտամենտի համալսարանի սոցիալական գիտությունների և սերվիսի ֆակուլտետի ղեկավար Զորակ Ալոզյանը այն համոզմանն է, որ բուհերի միավորման հիմքում բացառապես ֆազանական ենթասեֆս է ընկած: Նա անթույլատրելի է համարում, որ, առանց իրենց՝ ոլորտի ստորադասախոսական անձնակազմի ու ուսանողների հեթ քննարկումների կամ գրույցների, կառավարությունը քննե-արքնացել է ու որոշել Բյուսովի համալսարանը Մանկավարժական համալսարանի ու Ֆիզիկական կուլտուրայի ինստիտուտի հեթ միավորել: «Բուհական համակարգն ալվերում են, հեթ նո՞ր սսեն՝ ինչու այսպես եղավ», - «ժողովուրդ» օրաթերթի հեթ գրույցում նուում է նա:



Կարտավոր են ամեն հարցում կանգնել ճշտի եւ ուսանողի կողքին:
-Ուսանողի համար ի՞նչ տարբերություն կարծրությունը կստանա Բյուսովի համալսարանում, թե միավորված մեկ այլ համալսարանում, որը ուրիշ անուն կունենա:
-Ինձ թվում է՝ այդ հարցին ալելի լավ կապտասխանեն ուսանողները: Ես՝ որպես երկար տարիների մասնագետ, որ աշխատում է կրթության ոլորտում, գիտեմ, որ այս հանկատրաստի փոփոխությունները կերեն քսոսի: Չկա որեիցե տեւակական, անհասկանալի եւ ականազանախոսությունները, ուզում ես փաստեր բերել, սա-կայն չես հասկանում ինչ են սաոում: Ուսանողների 85 տոկոսը մանկավարժ չի դառնում, մնում է 15 տոկոսը: Եթե այդ 15 տոկոսը է հարց լուծվելու, այդ դեպքում կարող ենք համեմատել եւ տեսնել, որ համալսարանն է ալելի լավ արդյունք տվել: Եթե իրենց որակը ալելի լավ է, այդ 15 տոկոսին տարբե բետեղ, իսկ եթե հակառակը, ապա իրենց բերեք այստեղ: Այն, որ երկրում կա բուհերի միավորման խնդիր, մեզ չի վերաբերում, մենք ունենք դիմելիության բալանականին աճ: Վերջին տարին է, որ մեր դիմորդները նվազել են, սակայն այդքան քիչ չեն, քանի որ Հայաստանում 3-րդ բուհն ենք դիմելիության ցուցանիշով: Ես երբեիցե չի պատկերացնի, որ բու-

հից ծածուկ կարող են որոշում ընդունել: Եթե չլիներ հոգաբարձուների խորհրդի նիստը, այդ որոշումը կզնար կառավարություն, Նոր մենք այդ մասին կիմանայինք:
-Հիմա հարցը այն է, թե ինչու են դեմ ուսանողները եւ դասախոսները այս միավորմանը, չէ՞ որ տվորոդը են միավորվածում կտվորի, են չմիավորվածում, են Նույնը դասախոսը երկու դեպքում էլ կրասականի:
-Նախ դեմ ենք, քանի որ անորոշությունների մեջ ենք: Ես ինքս պատրաստ եմ հրաժարվել իմ պաշտոնից, քանի որ սա արդեն սկզբունքային հարց է, անգամ քննարկվել է պաշտոնի հարցը: Ես չեմ պատկերացում ինչ է լինելու:
-Նախագիծը կներկայացնեն, եւ Դուք կիմանաք, թե ինչ կլինի:
-Այսինքն՝ կառավարության որոշումը ընդունվի, բուհական համակարգը տանք ալվերենք ու չհասկանանք, Նոր դրանից հետո հետ գնանք ու քննարկենք՝ ինչու արեցինք:
-Մի սեղանի շուրջ կստեք եւ կքննարկեք խնդիրը:
-Մի սեղանի շուրջ Նստում են Նախապես՝ մինչեւ որոշում կայացնելը: Ժողովրդավարական երկիրը, իմ կարծիքով, դա է պահանջում:
Զորուցեց Մեզուկ Վարդուխան

ԱԳՐԵՋԱՆԸ ՎԵՐԱՑՆՈՒՄ Է



Հայկական պատվիրակությունները վերջին շրջանում, համաձայնեք, բալական ակտիվ հանդիպումներ են ունենում միջազգային ամենատարբեր կառույցների ներկայացուցիչների հետ: Նրանք թեեւ մեծամասամբ Արեւմուտքը ներկայացնող անձինք կամ կազմակերպություններ են, բայց հայկական կողմը, միեւնույնն է, սպասում է, թե ռուսական կամ պրոռուսական ուժերը, կետորոններն ու անհատներն ընդհուպ ինչ են սսելու: Իսկ մինչեւ Ռուսաստանը կամ աշխարհի այլ երկրներ, անհատներ, կազմակերպություններ կասեն կամ կանեն, Ադրբեջանը թե՛ սսում, թե՛ անում է: Այս օրերին Աստանայում գտնվող ՀՀ արտաքին գործերի Նախարար Արարատ Միրզոյանը ՌԴ իր գործընկերոջ՝ Սերգեյ Լավրովի հետ հանդիպմանը Նորից հույս է հայտնել, թե պաշտոնական Մոսկվան կօժանդակի ՀՀ տարածքից ադրբեջանական գործերի դուրս բերման հարցում: Նույն այդ ռուպեներին, սակայն, արդբեջանական գործը կամ գուցե քաղաքացիական անձինք Հարդուժում հերթական հայկական կրթողն են վերացնում՝ այդպիսով փորձելով վերացնել հայկականությունն ու հայկական հետքը: Բորենիների այդ ձեռագիրը իհարկե Նոր չէ, պարզապես Նրանք, ի տարբերություն մեզ, գործում ու իրենց հնարած պատմությունը փորձում են մոտեցնել ցանկալի իրականությանը:

ԵՐԵՎԱՆԻ ԵՎ ԲԱՔՎԻ ՀԱՐԱԲԵՐՈՒԹՅՈՒՆՆԵՐԸ

Մոսկվան ուշադրության կենտրոնում է պահում Երեւանի եւ Բաքվի հարաբերությունների կարգավորման հարցը: Այս մասին Աստանայում Ադրբեջանի Նախագահ Իլհամ Ալիեւի հետ հանդիպմանն ասել է ՌԴ Նախագահ Վլադիմիր Պուտինը:
«Բնականաբար, մենք ուշադրության կենտրոնում ենք պահում տարածաշրջանում իրավիճակի կարգավորման հետ կապված հարցերը: Հուսով եմ, որ մենք կօգտվենք այսօրվա հնարավորությունից եւ կքննարկենք բոլոր հարցերը», - ասել է Պուտինը:
Նա նշել է, որ Ռուսաստանը շարունակում է մալ Ադրբեջանի առաջատար առեւտրատնտեսական գործընկերներից մեկը: «Ապրանքաշրջանառությունն աճում է: Անցած տարի այն աճել է մոտ 14 տոկոսով: Այս տարի այն աճել է ես յոթ տոկոսով: Մեր տնտեսական օպերատորները 4,5 մլրդ դոլար են ներդրել Ադրբեջանի տնտեսության մեջ», - ասել է Պուտինը:
Իր հերթին Ալիեւը վստահեցրել է, որ Բաքուն պատրաստ է «երկարաժամկետ խաղաղության»: «Մենք հավատարիմ ենք երկարաժամկետ խաղաղությանը եւ կարծում ենք, որ առաջարկել ենք բալական կառուցողական թեզեր, որպեսզի վերջապես խաղաղություն ձեռք բերվի», - հավելել է Նա:

ԼՈՒՆԵՐ

ՀԻՇՈՂՈՒԹՅԱՆ ԹԱՐԽԱՅՈՒՄ

Վերջին օրերին ՀՀ վարչապետ Նիկոլ Փաշինյանը կրկին հիշում է հայտնի Մադրիդյան սկզբունքները եւ Նախկին իշխանություններին մեղադրում, թե վերջիններս, այդ ամենը որպես բանակցությունների հիմք ընդունելով, ճանաչել են Արցախը որպես Ադրբեջանի մաս: 1990- ականների վերջից մինչեւ 2020 -ի պատերազմը բանակցային սեղանին դրվել են կարգավորման 7 հիմնական տարբերակներ, որոնք այս ընթացքում տարբեր անվանումներ են ստացել: ArmLur.am-ը պարբերաբար կներկայացնի մինչեւ այս եղած սկզբունքներն ու հարցի կարգավորման տարբերակները: Այս անգամ ներկայացնում ենք հենց Մադրիդյան սկզբունքները: Այդ առաջարկները Հայաստանի ու Ադրբեջանի Նախագահներին ներկայացվել են 2007 ի Նոյեմբերի 29 -ին Մադրիդում, այստեղից էլ անվանումը՝ Մադրիդյան սկզբունքներ: Այստեղ առաջին անգամ շրջանառության մեջ է դրվում Արցախի վերջնական կարգավիճակի հարցը հանրաքվեով որոշելու տարբերակը: Սկզբունքներում նշվում էր Նաեւ, որ մինչեւ հանրաքվեով վերջնական կարգավիճակի որոշումը, այսինքն՝ միջանկյալ փուլում,

Ղարաբաղի բնակիչները կունենան որոշակի իրավունքներ եւ արտոնություններ, օրինակ՝ կընտրեն սեփական իշխանություններին, կունենան սեփական դատարաններն ու կստանան միջազգային ֆինանսական աջակցություն՝ խաղաղ գարգացման համար: Երրորդ կետը վերաբերում էր Ղարաբաղի հարակից տարածքներին: Նշվում էր, որ հայկական վերահսկողության տակ գտնվող բոլոր տարածքները պետք է վերադարձվեն Ադրբեջանին, բայց ոչ բոլորը միանգամից: Քարվաճառը, մասնավորապես, պետք է մնար անցումային հանձնաժողովի վերահսկողության տակ: Մադրիդյան սկզբունքներում նշվում էր Նաեւ Ղարաբաղը Հայաստանի հետ կապող միջանցքի մասին, անդրադառնում էին Նաեւ Ղարաբաղի շրջակա տարածքների ապառազմականացմանը, խաղաղապահների տեղակայմանը, փախստականների վերադարձին, տրանսպորտային ուղիների ապաշրջափակմանն ու խաղաղության ապահովման համար անհրաժեշտ այլ քայլերի: Սակայն այս սկզբունքները չընդունվեցին, ալելին՝ Արցախը դեմ էր դրանց, իսկ Ադրբեջանի արձագանքից պարզ էր դառնում, որ անկախ կարգավիճակի հարցով հանրաքվեն Բաքուն բացառում է: Այսպիսով, հարցը կրկին մտավ փակուղի:
ՆԱԻՐԱ ՀՈՎԱՆՆԻՍՅԱՆ

ԽՆԱՄՔՈՎ ԹԱՔՑՆՈՒՄ ԵՆ

ArmLur.am-ին հայտնի դարձավ, որ այսօր՝ սեպտեմբերի 14-ին, գիտխորհրդի նիստ են պատրաստվում անցկացնել Վ. Բյուսովի անվան լեզվաբանական համալսարանում, որին հրավիրել են մասնակցելու ԿԳՄՍ Նախարար Վահրամ Դումանյանին եւ ԲՊՀ հոգաբարձուների խորհրդի Նախագահ, Հայաստանի Հանրապետության փոխվարչապետ Համբարձում Մաթեոսյանին:
Հիշեցնենք, որ երեկվանից Բյուսովի անվան լեզվաբանական համալսարանի ուսանողները դժգոհում են. առանց իրենց ու դասախոսների կարծիքը հաշվի առնելու, կառավարությունը որոշել է միավորել Հայաստանի Հանրապետության պետական 3 բուհ՝ Երեւանի մանկավարժական համալսարանը, Բյուսովի անվան լեզվաբանական ու Ֆիզիկական կուլտուրայի պետական ինստիտուտը:
Ի դեպ, լիազոր մարմնի ղեկավար Վահրամ Դումանյանը երեկ հաստատել է՝ կառավարությունը 3 բուհերը միավորելու ծրագիր ունի:
Թե ինչու են մինչ օրս Նախագիծը ինամբով թաքցրել, հայտնի չէ:
ԼԻՂԱ ԵՐԻՎԱՑՈՐԱՆ

ԻՐԱՎԻՃԱԿ

ԵԼՈՒՅԹ՝ ԵՆԻՏՎ-ՈՒՄ

ԱՆՆԱՐ Է ԽՈՍԵԼ ԽԱՂԱԳՈՒԹՅԱՆ ՄԱՍԻՆ

ՔԱՐՏԵՐԸ ՎԱՃԱՌՎՈՒՄ ԵՆ

«USU Յայաստան» ընկերության վաճառքի մանրամասները պարզաբանելու ակնկալիքով «Ժողովուրդ» օրաթերթը հարցում էր ուղարկել ընկերություն՝ հետաքրքրվելով, թե ինչու է վաճառքի հանվել «Վիվա USU»-ը, որքան արժեք է ընկերության բաժնետոմսերի փաթեթը, ով կամ ովքեր են հավանական գնորդները, եւ երբ կկայանա առուվաճառքը: Մեր բոլոր հարցադրումների մեջ «USU Արմենիա» ընկերությունը առեւտրային գաղտնիք է տեսել ու չի հանրայնացնում ընկերության վաճառքին կամ արհեստական վաճառքին առնչվող հարցերը: Հավելենք, որ «Ժողովուրդ» օրաթերթը հետաքրքրվել էր նաեւ, թե Ռալֆ Յիրիկյանի հեռացումն ինչ առնչություն ունի վաճառքի գործընթացի հետ: Ինչպես հայտնի է, 2004 թվականից «Վիվա USU» ընկերության գլխավոր տնօրեն Ռալֆ Յիրիկյանը նախորդ տարի հուլիսի 15-ին անակնկալ կերպով հեռացավ ընկերությունից: Տնօրեն նշանակվեց Արմեն Ավետիսյանը, որը ընկերության արդյունաբերական ավտոմատացման հարցերով փոխնախագահն էր: Ռալֆ Յիրիկյանի անակնկալ հեռացումն էլ «USU Յայաստանը» համարել է առեւտրային գաղտնիք եւ չի պատասխանել մեր հարցին: Ուշագրավ է, որ նույն առեւտրային գաղտնիքի պատճառաբանությամբ «USU Յայաստան»-ը հրաժարվել է պատասխանել նաեւ կարեւորագույն այն հարցին, թե ինչպես են ադրբեջանցի հատուկ ծառայության աշխատակիցները կարողացել ձեռք բերել «Վիվա USU»-ի հեռախոսային քարտեր: Հիշեցնենք, որ 2020թ.-ի հուլիսի 24-ին՝ պատերազմից ամիսներ առաջ, ՀՀ ազգային անվտանգության ծառայությունը հայտնել էր, որ Ադրբեջանի Հանրապետության հատուկ ծառայությունների աշխատակիցներն օգտագործում են ՀՀ տարբեր բջջային օպերատորների հեռախոսահամարներ եւ դրանցով զանգահարելով ՀՀ քաղաքացիներին՝ անկախ հետազոտություններ անցկացնելու պատրվակով (իբր կատարում են սոցիալապես արդյունավետ հարցումներ ՀՀ-ում) հատկապես Զինված ուժերում տիրող իրավիճակի վերաբերյալ հետախուզական բնույթի տեղեկություններ են ստանում: Մասնավորապես, նմանօրինակ հեռախոսազանգեր են արձանագրվել ՀՀ 094-39-75-95 եւ 093-52-72-08 բջջային հեռախոսահամարներից: «Ժողովուրդ» օրաթերթի այս հարցին «USU Յայաստան» ընկերությունը պատասխանել է՝ առեւտրային գաղտնիք է եւ չեն կարող ասել, թե նշված հեռախոսահամարները ում են վաճառվել կամ ում անունով են գրանցված:

ՄԵՂԱԳՐԱՆԵՐ՝ ԱԳՐԲԵՋԱՆԻՆ

Ֆրանսիայի նախագահ Էմանուել Մակրոնը մեղադրել է Ռուսաստանին Հայաստանի եւ Ադրբեջանի միջեւ վերջին բախումները միտումնավոր հրահրելու համար Կովկասի տարածաշրջանում եւ դրանից դուրս իրավիճակն ապակայունացնելու նպատակով: Գործակալությունը նշում է, որ Հայաստանի եւ Ադրբեջանի միջեւ 2020 թվականից ի վեր ամենասարսափելի մարտերը տեղի են ունեցել սեպտեմբերին, դրանց հետեւանքով զոհվել է ավելի քան 200 մարդ: France 2 հեռուստաընկերության հետ զրույցում Մակրոնն ասել է, որ Մոսկվան վերջին ամիսներին լարվածություն է բորբոքել՝ հոգուտ Ադրբեջանի:

Ենիտվ-ում ՀՀ ԱԾ դասվիրակության մեծական անդամ Վլադիմիր Վարդանյանը եւ Ենիտվ-ում ՀՀ ԱԾ դասվիրակության ղեկավար Ռուբեն Ռուբինյանը ելույթ են ունեցել Ենիտվ ազնաբանյին նստաշրջանում:

Ենիտվ-ում ՀՀ ԱԾ պատվիրակության մշտական անդամ Վլադիմիր Վարդանյանը իր խոսքում նշել է. «Ցանկանում եմ անդրադառնալ պարոն Սամադ Սեիդովի վեր հանած հարցերին: Պարոն Սեիդով, Ռուք շատ բարոյ դեր եք խաղում: Ռուք նույնիսկ չէք կարող պատկերացնել, թե որքան լավ եմ ես Ձեզ հասկանում, թե որքան դժվար է տարիներ շարունակ պաշտպանել չարը: Ամեն դեպքում, դա Ձեր ընտրությունն է, բայց այս կազմակերպությունն արժեքների կազմակերպություն է, ըստ այդմ եկեք խոսենք արժեքների մասին, քանզի կարեւոր է, երբ մենք խոսում ենք պարտավորությունների մասին:

Պարոն Սեիդով, երբ Հայաստանն ու Ադրբեջանն անդամակցեցին այս հարգարժան կազմակերպությանը, մենք պարտավորություն ստանձնեցինք զերծ մնալ քաղաքական խնդիրների լուծման հարցում ուժ կամ ուժի սպառնալիքի կիրառումից, սակայն այդ պատահեց 2020թ., եւ ոչ ոք չարձագանքեց: Մենք գիտեցինք, որ այս օրը գալու է: Այսօր, բարեբախտաբար, ձեզանից շատերը հասկանում են, թե ինչ է կատարվում այստեղ: Երբ պարոն Սամադ Սեիդովը խոսում է Ադրբեջանում հայկական ուժերի առկայության մասին, ուզում եմ ասել, որ դա ամբողջովին սուտ է: Լեռնային Ղարաբաղի ժողովուրդն իրավունք ունի պաշտպանել իր էքզիստենցիալ գոյությունը:

Նայեք, թե ինչ է կատարվում. մասնատում, նվաստացում, դիտավորյալ սպանություն: Համենայնդեպս, մենք ինքնապաշտպանության իրավունք ունենք, եւ նրանք փորձում են իրացնել այդ իրավունքը»:

Ենիտվ-ում ՀՀ ԱԾ պատվիրակության ղեկավար Ռուբեն Ռուբինյանը նույնպես անդրադարձել է ադրբեջանական ազդեցիկին: «Իսկապես, իմ երկիրը, իմ ժողովրդավար երկիրը վերջերս հարձակման է ենթարկվել իր ավտորիտար հարեանի կողմից: Հարձակումը եղել է բոլորովին անհիմն եւ չարդարացված: Խաղաղ բնակիչներ են զոհվել: Վնասվել են բնակավայրեր, քաղաքացիական ենթակառուցվածքներ: Պարոն Գավանն այդ ամենը ներկայացրեց:



Ինչո՞ւ նման բան տեղի ունեցավ: Տեղի ունեցավ, քանի որ ագրեսորը նախկինում չգատապարտվեց: Վերջին նիստի ժամանակ այստեղ ես խոսում էի Հայաստանի ինքնիշխան տարածք ադրբեջանական հերթական ներխուժման մասին, որը տեղի էր ունեցել 2021թ.: Ես խոսում էի հայ ռազմագերիների մասին, որոնք դեռ պահվում են Ադրբեջանում: Նրանք մինչ օրս պահվում են այստեղ: Հիմա՝ մի քանի ամիս անց, ունենք նոր ագրեսիա, նոր օկուպացիա, նոր ռազմագերիներ, նրանցից ոմանք սպանվել են, եւ կան կադրեր, որտեղ երեւում է, որ նրանք գերեվարվելուց անմիջապես հետո մահապատժի են ենթարկվում ադրբեջանցիների կողմից: Այս ամենը տեղի ունեցավ, քանի որ ադրբեջանցիները նախկինում չեն դատապարտվել:

Այս կազմակերպությունում խաղաղության մասին խոսելու անհրաժեշտությունից ելնելով՝ ցանկանում եմ տեղեկացնել Ձեզ, որ Ենիտվ նախագահ պարոն Քոքս ինձ եւ պարոն Սեիդովին հրավիրել էր հանդիպել Փարիզում Մշտադիտարկման հանձնաժողովի նիստի շրջանակում: Այդ հանդիպումը նախատեսված էր սեպտեմբերի 15-ին: Ինչո՞ւ այն տեղի չունեցավ: Շատ պարզ պատճառով. հանդիպումից երկու օր առաջ իմ երկիրը հարձակման ենթարկվեց Ադրբեջանի կողմից, ու ես չգնացի Փարիզ:

Հարգելի՛ գործընկերներ, խաղաղության մասին խոսել հնարավոր է, երբ քո գործընկերները ցանկանում են խոսել խաղաղության մասին: Անհնար է խոսել խաղաղության մասին, մինչ նրանք կրակում են քեզ վրա, մինչ նրանք օկուպացնում են քո տարածքը: Անհնար է:

Հասկանում եմ, որ մեր ընկերներից շատերը չեն ցանկանում այս կամ այն կողմը բռնել, երբ խոսքը վերաբերում է Լեռնային Ղարաբաղի հակամարտությանը: Բարո է: Հասկանում եմ:

Բայց սա այլ է: Սա այն դեպքն է, որ ավտորիտար իշխանությունը հարձակվում է իր դեմոկրատ հարեանի վրա եւ օկուպացնում է նրա տարածքը. դա պետք է դատապարտվի: Ադրբեջանական զորքերը պետք է անհապաղ հեռանան հայկական տարածքից, իսկ հայ ռազմագերիները պետք է ազատ արձակվեն», - ասել է Ռուբեն Ռուբինյանը:

ՕՐՎԱ ԽՃԱՆԿԱՐ

ՇԱՐՏԵՐԻ ԲԱԽՈՒՄ

Կենտրոնական ընտրական հանձնաժողովի նորընտիր նախագահ Վահագն Հովակիմյանը ԿԸՀ անդամություն է ստացել նաեւ իր իսկ քվեով:

Բանն այն է, որ պատգամավորների թվում, որ ընտրել են ԿԸՀ նոր անդամներին, նաեւ Վահագն Հովակիմյանն է եղել: Այսինքն՝ Հովակիմյանն ինքն իր թեկնածությանը կողմ է քվեարկել, ինչը ակնբերել 2ահերի բախում կարող է առաջացնել:

Պատգամավոր Հովակիմյանը, ըստ տրամաբանության, չի կարող ԿԸՀ անդամի թեկնածու Հովակիմյանին ընտրել: Ուստի ընտրվելով, պարզ է, ինքն իրեն դեմ չէր քվեարկի: Հարցի առնչությամբ ArmLur.am-ը կապ հաստատեց ԿԸՀ նախկին նախագահ Տիգրան Մուկուչյանի հետ, նա, սակայն, հրաժարվեց մեկնաբանել:

ԺԱՄԱՆԵԼ Է ՂԱԶԱԽՍԱՆ

Վարչապետ Նիկոլ Փաշինյանն աշխատանքային այցով ժամանել է Ղազախստանի Հանրապետություն:

Վարչապետին Աստանայի միջազգային օդանավակայանում դիմավորել է Ղազախստանի առաջին փոխվարչապետ Ռոման Սկլյարը:

Վարչապետն Աստանայում կմասնակցի ԱՊՀ պետությունների ղեկավարների խորհրդի հերթական նիստին:

Մանրամասներ
Անվտանգության խորհրդի քարտուղար Արմեն Գրիգորյանը հոկտեմբերի 13-ին Երեւանում հանդիպել է Լեռնային Ղարաբաղի Ազգային ժողովի նախագահ Արթուր Թովմասյանի գլխավորած պատվիրակության հետ: Պատվիրակության

ՀԱՍԱՐԱԿՈՒԹՅՈՒՆ

ՄԱՐԶ

ԳՈՐԾԻՔՆԵՐ՝ ՄԱՀՄԱՆԻ ՀԱՄԱՐ

Սեպտեմբերի 30-ին Հայաստանի պաշտպանության Նախարարությունը հայտարարություն է տարածել, որով քաղաքացիներին կոչ է արել դադարեցնել զինծառայողների համար սննդի, հագուստի, կենցաղային իրերի, տեխնիկական միջոցների հավաքագրումներն ու դրամահավաքները: Այդ հայտարարությունից կարող է տպավորություն ստեղծել, որ Հայաստանի առաջնագիծը պաշտպանող զինծառայողները սահմանազոտին պաշտպանության համար սննդի, հագուստի, կենցաղային իրերի, տեխնիկական միջոցների կարիք չունեն, Պաշտպանության Նախարարությունը նրանց այդ ամենով ապահովել է: Իմ վաղեմի ծանոթը՝ Բերդ քաղաքի բնակիչ Դավիթ Թումանյանը, ներկայումս եռամսյա վարժական հավաքի է, պաշտպանում է Վարդենիսի առաջնագիծը: Բերդ քաղաքից հայտնեցին, որ մոտ մեկ ամիս առաջ Դ. Թումանյանը կարճ ժամանակով վերադարձել է հայրենի Բերդ, Բերդ խոշորացված համայնքի գյուղերից գնել լապատկայի, բահի տասնյակ փայտե կոթեր եւ դրանք տեղափոխել իր ծառայության վայր: Մի քանի օր առաջ նա նորից տուն է վերադարձել, Բերդ քաղաքի տնտեսական խանութից առաջնագծի իրենց դիրքի համար սնունդ, կահույք, մուրճեր վերցրել: Խանութատերը, իմանալով, թե ինչ նպատակով է նա այդ գործիքները գնում, դրանց համար փող չի վերցրել, նաեւ իր խանութից առաջնագծի կահավորման համար նման գործիքներ է նվիրել՝ դրանք հանձնելով առաջնագիծը պաշտպանող, սահմանազոտի վերադարձող Դ. Թումանյանին:

ԸՆԴԳԵՄ ԱՎՏՈՂՊՐՈՑԻ

Վասակ Լեւոնի Պապյանը 2022 թվականի հուլիսի 12-ին Տավուշի մարզի առաջին ատյանի դատարանի հայցադիմում է ներկայացրել դատարան՝ ընդդեմ «Տավուշի ավտոդպրոց» ՍՊԸ-ի, հարկադիր պարապուրդի գումարի բռնագանձման պահանջի մասին: 2022 թ. հուլիսի 18-ին Տավուշի մարզի առաջին ատյանի ընդհանուր իրավասության դատարանը որոշում է կայացրել հայցադիմումը վարույթ ընդունելու մասին: 2022թ. օգոստոսի 31-ին դատարան է մուտքագրվել պատասխանողի՝ Տավուշի ավտոդպրոց» ՍՊԸ-ի տնօրեն Ա. Փայտյանի պատասխանը, համաձայն որի՝ վերջինս խնդրել է Վասակ Պապյանի հայցը՝ ընդդեմ «Տավուշի ավտոդպրոց» ՍՊԸ-ի, հարկադիր պարապուրդի գումարի բռնագանձման պահանջի մասին, մերժել: Տավուշի մարզի առաջին ատյանի դատարանի նախագահ Սարգիս Արմենակյանի նախագահությամբ հոկտեմբերի 13-ին Տավուշի մարզի առաջին ատյանի դատարանի Իջեան քաղաքի նստավայրում սույն քաղաքացիական գործով նախնական դատական նիստ է կայացել:

ՈՍՎԻՆ ՍՈՐՈՍՅԱՆ Տավուշ

«ՀԵՏԱՊԵՂՎՈՐԸ»

ԵՐԻՏԱՄԱՐԻ ԴԱՏԱՎՈՐԻ ՊԱՏԿԱՌԵԼԻ ՈՒՆԵՑՎԱԾՔԸ

Վարչական դատարանի դատավոր Անի Հարությունյանը թվով 16 անգամ գույքի սեփականատեր է: Նեեմֆ, որ դրանց մեծ մասը գնվում է Երևանի կենտրոնում: Օրինակ, նա 2021 թվականի սարեկան հայտարարագրում նեեմֆ է, որ ունի երկու բնակարան, բազմաբնակարան շենքի ոչ բնակելի 10 սարածֆ, երեք ավտոկայանատեղի, երեք էլ՝ Երևանի կենտրոնում, մեկ ամառանոց՝ Արգնիում, որը նա գնել է 2020 թվականին: Գասավորի Երևանի գույքը մեկն է՝ 2016 թվականի արտադրության BMW, որը նա գնել է 2017 թվականին: Բացի այս, Անի Հարությունյանը 27 մլն 900 հազար դրամի չափով բաժնային արժեթղթեր ունի, որոնք նա նվեր է ստացել 2010 թվականին:



Կտա ժամանակը: Իսկ մինչ այդ տեղեկացնենք, որ բանկային հաշվին մնացորդը կազմել է 10 հազար դոլար եւ 100 հազար դրամ: Դատավորը ունեցել է 23 մլն դրամի եւ 110 հազար եվրոյի չափ կանխիկ գումար: Դատավորի 2021 թվականի եկամուտը կազմել է ընդհանուր կազմել է 46 մլն 656 հազար դրամ: Սեփական աշխատավարձը կազմել է ընդհանուր 8 մլն 561 հազար դրամ, ամսական՝ 713 հազար դրամ: Դատավորը վարձակալության դիմաց ստացել է վճարներ, օրինակ «Փարիզ» հոթելից ստացել է 20 մլն 334 հազար դրամ, «Արեգակ ՈՒՎԿ»-ից՝ 10 մլն 800 հազար դրամ, «Ութ յոթ ութ յոթ» տեղեկատվից՝ 4 մլն 270 հազար դրամ, «Գրիար սպասարկում»-ից՝ 1 մլն 80 հազար դրամ, ՀՀ ֆինանսների նախարարությունից՝ 1 մլն 610 հազար դրամ:

Ստացած վարկերի եւ փոխառությունների մայր գումարի մնացորդը Նախորդ տարվա դեկտեմբերի 31-ի դրությամբ կազմել է 37 մլն 619 հազար դրամ եւ 37 հազար դոլար: Դատավորը ներկայացրել է նաեւ ծախսերի հայտարարագիր, որտեղ նշված է, որ վարկային պարտավորություններն է մարել: Խոսքը 11 մլն 740 հազար դրամի եւ 23 հազար 800 դոլարի մասին է: Նշենք, որ Անի Հարությունյանը Սերժ Սարգսյանի մանկական ընկերոջ դուստրն է: Նրա հայրը ՀՀ ազգային անվտանգության ծառայության նախկին պետի տեղակալ Գրիշա Հարությունյանն է, իսկ նրա հորաքրոջ որդին ԴԱՀԿ նախկին պետ Միհրան Պողոսյանն է: ԱՅՈՒՆԷ ՀԱՍՔԱՐԶՈՒՄՅԱՆ

ԼՈՒՐԵՐ

10-ՕՐՅԱ ՄԱՐԴԱՀԱՄԱՐ

Հայաստանում հոկտեմբերի 13-ից մեկ-նարկել է 10-օրյա մարդահամարը: Սա Հայաստանի անկախության պատմության մեջ երրորդ մարդահամարն է: Սրանից առաջ Հայաստանում մարդահամար անցկացվել է 2001 եւ 2011 թվականներին: Այս տարի առաջին անգամ մարդահամարի համար օգտագործվելու է համակցված մեթոդը: Հիմնական կարտեր չոր թվերը ստացվելու են վարչական ռեգիստրից՝ ազգություն, քաղաքացիություն, տարիք, հետո հարցեր են ուղղվելու նաեւ քաղաքացիներին: Կատարվելու է ընտրանքային հարցում 25 տոկոսի չափով, այսինքն՝ հաշվարարն այցելելու է յուրաքանչյուր բնակավայրի յուրաքանչյուր 4-րդ տնային տնտեսություն, այլանշտի միջոցով լրացնելու է էլեկտրոնային հարցաթերթ: Առաջին անգամ է, որ այն անցկացվում է էլեկտրոնային եղանակով: Հարցերն ուղղված են լինելու տվյալ պահին տվյալ հասցեում բնակվող չափահաս անձին: Կհավաքագրվեն տվյալներ նաեւ մարդկանց կրթության, առողջության, աշխատանքի, բնակավայրի մասերի վերաբերյալ: Ընդհանուր առմամբ ներառված է լինելու 39 հիմնական հարց եւ տնային տնտեսության բնակավայրի մասերի վերաբերյալ եւս 5 հարց: Մարդահամարի արդյունքները պատրաստ կլինեն 1 տարուց:

25-ՕՐՅԱ ՀԱՎԱՔՆԵՐ

Պաշտպանության նախարար Սուրեն Պապիկյանը հայտարարեց, որ հրաժարվում են պահեստազորայինների եռամսյա վարժական հավաքներից, փոխարենը այն կտեղի 25 օր: Պապիկյանն այս մասին հայտարարեց հոկտեմբերի 13-ի հերթական նիստի ժամանակ: «Մեր նպատակը հետեյալն է. մենք հրաժարվում ենք եռամսյա հավաքներից, հավաքները դառնում են 25-օրյա: 21 օրը հիմնական ծառայությունն է, որից 7 օրը քաղաքացի անցնում է պատրաստություն, 14 օր անցկացնում է մարտական հերթապահություն: Շուտով կարգը կլինի, մենք դրա մասին կհայտարարենք: Առաջիկա հավաքները լինելու են 25-օրյա, այլեւս հրաժարվելու ենք եռամսյա հավաքներից, բայց սա լինելու է պարտադիր Հայաստանի Հանրապետության բոլոր զինապարտ քաղաքացիների համար: Այստեղ մեծ ուշադրություն կխնդրեմ իրավապահ մարմիններին, որովհետեւ շատ են խոսակցությունները, որ մշտապես շեշտը դրվում է այն մարդկանց վրա, ովքեր միշտ պատրաստակամ են եղել, բայց սա պետք է լինի պարտադիր բոլորի համար»,- ընդգծեց Պապիկյանը:

Պաշտպանության նախարարը շեշտեց, որ զինապարտներին հնարավորություն է ընձեռնվելու ընտրել հավաքին մասնակցելու ժամկետը: Վարչապետ Նիկոլ Փաշինյանն իր հերթին ասաց, որ շատ երկար ժամանակ պահեստազորը չէր հրավիրվել եռամսյա հավաքների մասնակցության, եւ կառավարությունը որոշեց իրականացնել եռամսյա հավաքների քաղաքականությունը: «Այդ ընթացքում պարզվեց, որ խնդրահարույց է, քանի որ մարդիկ աշխատում են: Որոշեցինք հրավիրել այն մարդկանց, որոնք աշխատանք չունեն՝ դրանով լրօծելով սոցիալական խնդիր, քանի որ եռամսյա հավաքի մասնակցությունը նաեւ վճարվում են, բայց հետագայում եկանք եզրակացության, որ արդյունավետ չէ, եւ որոշեցինք այն դարձնել մեկամսյա եւ պարտադիր բոլորի համար»,- ասաց Փաշինյանը:

● Անցած 1 օրվա ընթացքում Հայաստանի Հանրապետությունում արձանագրվել է 12 ՃՏՊ. 1 մարդ զոհվել է, 15-ը՝ ստացել տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԼՈՒՐԵՐ

ՎԱՐԿԱՏԵՍԱԿՆԵՐԻ ՑԱՆԿ



«Կոնվերս բանկ»-ն ընդլայնել է իր հիփոթեքային վարկատեսակների ցանկը՝ սկսելով էներգաարդյունավետ վերանորոգման ֆինանսավորում նաեւ պետական աջակցության ծրագրի շրջանակում:

Ծրագրի շրջանակում բանկն առաջարկում է վարկավորում մինչև 10 մլն ՀՀ դրամի չափով, 7 տարի մարման ժամկետով: Սահմանամերձ բնակավայրերում տոկոսագումարը պետության կողմից սուբսիդավորվելու է ամբողջությամբ, իսկ այլ բնակավայրերում մասամբ:

ՆՈՐ ԱՆՎԱՆՈՒՄ

ArmLur.am-ի տեղեկություններով արդեն հայտնի է միավորած համալսարանների նոր անվանումը: Այն կկոչվի հաջատուր Աբովյանի անվան կրթական գիտությունների ինստիտուտ: Հիշեցնենք, որ ԿԳՄՄ-ում գաղտնի նախագիծ է շրջանառվել, որով նախատեսվում է փակել Վ. Բոյունովի անվան պետական համալսարանը, որի մասին երեկ հայտնել է Վ. Բոյունովի պետական համալսարանի սոցիալական գիտությունների և սերվիսի ֆակուլտետի դեկան Յուլյա Ակոպյանը:

«ԱՄԵՐԻԱԲԱՆԿ» ՓԲԸ

ԱՄԵՆԱՐՈՒՄԱԼԻ ԲԱՆԿԵՐԻՑ Է

Global Finance հեղինակավոր ամսագիրը հրապարակել է աշխարհի ամենահուսալի բանկերի ամենամյա վարկանշային աղյուսակը, որում «Ամերիաբանկ»-ը երկրորդ աստիճանի անընդմեջ արժանացել է Հայաստանում «Տարվա ամենահուսալի բանկ» հեղինակավոր մրցանակին:

Global Finance ամսագրի կողմից հրապարակվող աշխարհի ամենահուսալի բանկերի ամենամյա ցանկն ավելի քան երեսուն տարի հանդիսանում է ֆինանսական ոլորտի գործընկերների հուսալիության ճանաչված և վստահելի չափանիշ: Հարթողներն ընտրվել են Moody's, Standard & Poor's և Fitch գործակալությունների կողմից աշխարհի 1000 ամենախոշոր բանկերին տրված արտարժույթային երկարաժամկետ վարկանիշների վերլուծության և գնահատումների հիման վրա:

«Ամերիաբանկ»-ի տնօրինության նախագահ - գլխավոր տնօրեն Արտակ Յանսյանը մրցանակի կապակցությամբ նշել է. «Մեծ պատիվ է Global Finance ամսագրի կողմից հեղինակական անգամ ճանաչվել Հայաստանի ամենահուսալի բանկը: Այս մրցանակը վերահաստատում է Հայաստանում «Ամերիաբանկ»-ի հանդեպ ձեռավորված վստահությունն ու համբավը: Այս ճանաչումը մեզ համար մոտիվացնող է, միաժամանակ պարտավորեցնող, որպեսզի պահպանենք մեր որդեգրած բարձր չափանիշները և մեր հաճախորդների համար մշտապես ապահովվենք հուսալի և անվտանգ բանկային փորձառություն»:



Global Finance ամսագիրը հիմնադրվել է 1987 թվականին, ունի 50,000 տպաքանակ 193 երկրում և տարածաշրջանում: Global Finance-ի ընթերցողների շարքում են կորպորատիվ և ֆինանսական ոլորտների բարձր պաշտոնատար անձինք, որոնք պատասխանատու են խոշոր միջազգային ընկերություններում և ֆինանսական հաստատություններում ներդրումային և ռազմավարական որոշումների կայացման համար: Ամսագրի կայքում (GFMag.com) ներկայացված են միջազգային ֆինանսական շուկաներում 35 տարվա փորձի արդյունքում մշակված վերլուծություններ և հոդվածներ:

Հափանիշ աշխարհի ֆինանսական հանրության համար: «Ամերիաբանկ» ՓԲԸ «Ամերիաբանկ»-ը Հայաստանի խոշորագույն ֆինանսական հաստատությունն է և ՀՀ տնտեսական ոլորտի առավել նշանակալի դերակատարներից մեկը, որի ակտիվները գերազանցում են 1 տրիլիոն ՀՀ դրամը: Հանդիսանալով դինամիկ զարգացող ունիվերսալ բանկ՝ «Ամերիաբանկ»-ն իր սպասարկման բազմաֆունկցիոնալ հարթակի միջոցով մատուցում է նորարարական բանկային ծառայությունների ընդարձակ փաթեթ՝ թվային պրոդուկտների հստակ շեջտադրմամբ: Բանկն առաջնորդվում է հաճախորդամետ քաղաքականությամբ թվային ժամանակակից միջավայրում սպասարկման բարձր որակ և բանկային փորձառություն ապահովելու նպատակով: «Ամերիաբանկ»-ը որդեգրել է բիզնեսի պատասխանատու վարման քաղաքականությունը՝ նպաստելով Հայաստանի անցմանը դեպի կայուն ապագա:

«ԱԿԲԱ» ԲԱՆԿ

ԻՆՏԵՆՍԻՎ ՆԵՐԴՐՈՒՄՆԵՐ

«Ակբա» բանկն ընթացիկ տարում եականորեն մեծացրել է բոլոր հիմնական ցուցանիշները, բանկը բարձրացրել է մեծ ինտենսիվությամբ ներդրումներ կատարել սննդային բոլոր ոլորտներում: 2022թ. առաջին 8 ամիսների ընթացքում բանկի կողմից տնտեսության բոլոր ճյուղերում տրամադրված վարկերի ծավալը կազմել է ավելի քան 173 միլիարդ 350 միլիոն ՀՀ դրամ, որը, նախորդ տարվա նույն ժամանակահատվածի համեմատ, աճել է ավելի քան 31%-ով: «Ակբա»-ն նաև շարունակում է մնալ Հայաստանի տնտեսության գլխավոր ուղղություններից մեկի՝ գյուղատնտեսական ոլորտի ֆինանսավորման բացարձակ առաջատարը: Միաժամանակ բանկը շարունակում է հետետեղական լինել Քովիդի և պատերազմի հետևանքով տնտեսական վնասների վերականգնման աշխատանքներին: Տնտեսության «առողջացման» համար «Ակբա»-ն անհատական մոտեցում է ցուցաբերել բոլոր գործընկերներին՝ ներել է վարկեր, տրամադրել վարկային արձակուրդներ:

2020-ի սկզբից առ այսօր «Ակբա» բանկը ներել է շուրջ 4788 վարկ՝ ընդհանուր ավելի քան 2 միլիարդ դրամ ծավալով, ներել է շուրջ 4681 տույժ-տուգանք՝ ընդհանուր ավելի քան 1 միլիարդ 750 միլիոն դրամ ծավալով, իրականացրել է շուրջ 146,000 վարկի հետաձգում: Բանկը ներել է հայրենիքի պաշտպանների՝ պատերազմում զոհված և անհետ կորած զինծառայողների շուրջ 436 վարկ՝ ընդհանուր ավելի քան 250 միլիոն դրամ ծավալով: «Հայաստան» համահայկական և Զինծառայողների ապահովագրության հիմնադրամներին, ինչպես նաև պատերազմի հետևանքով առաջացած սոցիալական խնդիրների լուծման և Քովիդի հաղթահարման համար «Ակբա» բանկը, «Ակբա» ֆինանսական խմբի մյուս անդամները՝ «Ակբա Լիզինգ» ու «Ամունդի-Ակբա Ասեթ Մենեջմենթը», ընդհանուր առմամբ տրամադրել են ավելի քան 400 միլիոն ՀՀ դրամ: Բանկն ակտիվ մասնակցել է նաև պետական աջակցությամբ գյուղատնտեսության սուբսիդավորման ծրագրին, նոր ինտենսիվ աջակցության հիմնադրման գործընթացներին, նորագույն ջերմոցային տնտեսությունների և առհասարակ «կանաչ» և ինդուստրիալ գյուղատնտեսության, ռեսուրսների խնայողության նախագծերի իրականացմանը:

«Մեր ուշադրության կենտրոնում է տնտեսության վերականգնման պրոցեսը: Սկզբում Քովիդն էր, որը տնտեսական ընդհանուր պահվածություն բերեց, իսկ հետո՝ պատերազմը: Շատ բիզնեսներ փակվեցին, շատերն ընկան ֆինանսական ծանր վիճակի մեջ: Վարկառուների՝ վարկերը մարելու հետ կապված հարցեր էին առաջանում: Ցուցաբերեցինք ինչպես խմբակային, այնպես էլ անհատական մոտեցում. ներել ենք վարկեր, աջակցել ենք, որ մարդիկ հետաձգեն մարումները: Պետք է շարունակենք աջակցել մեր բանկին, զինվորներին և այլ մարդկանց, որոնք միացել էին հայրենիքի պաշտպանության գործընթացին: Այս առումով ներել ենք մեր հայրենիքի պաշտպանության համար նահատակվածների վարկային պարտավորությունները»,- նշում է «Ակբա» բանկի գլխավոր գործադիր տնօրեն Հակոբ Անդրեասյանը: Բանկը վերահսկվում է ՀՀ ԿԲ կողմից:

«Հոդվորդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՏԵՎԱԿԱՆ ԴԱԴԱՐ

«ԵՍ ԻՆՔՍ ԻՆՁ ԵՄ ԽԱՂՈՒՄ», ԴԻԱՆԱ ՏՈՌԵՍ

Գերասանուհի Դիանա Տորեսի հետ ArmLur.am-ը զրուցել է երկար դադարից հետո կրկին նկարահանվելու, «Կույր աշխարհ» հեռուստանախագծի եւ զբաղվածության մասին:

Դերասանուհու խոսքով՝ վերջին շրջանում ամենաքննարկված հեռուստասերիալում նկարահանվելու առաջարկը ստացել է երգիչ, դերասան Կարեն Ասլանյանի կողմից:

«Ինձ գանգեց իմ լավ ընկեր Կարեն Ասլանյանը եւ առաջարկեց մասնակցել բոլորի կողմից սիրված Դիանա Գրիգորյանի «Կույր աշխարհ» նախագծի քասթինգին: Իհարկե, սիրով համաձայնեցի մասնակցել, քանի որ այն կերպարը, որը պետք է խաղայի, ինձ շատ հոգեհարազատ էր, եւ այդպես անցա քասթինգը: Անկեղծ կլինեն. իրականում մեծ պատիվ է ինձ համար նկարահանվել այդքան տաղանդավոր դերասանների հետ: Նկարահանումներն անցնում են շատ ուրախ, դրական եւ հաճելի մթնոլորտում»,- մեզ հետ զրուցում է Նշեց Դիանան:

Դիանայի փոխանցմամբ՝ դժվար է եղել նրան տեսական դադարից հետո կրկին վերադառնալ նկարահանման հրապարակ, բայց նա կարող է հաղթահարել այդ փորձությունը: «Միակ դժվարությունը իմ համար երկար դադարից հետո նորից նկարահանվելն է, բայց փորձում եմ հաղթահարել, քանի որ այս ոլորտում ինձ զգում եմ, ինչպես ձուկը ջրում: Ստեղծագործական թիմը շատ պրոֆեսիոնալ է, եւ այդ թիմում աշխատելն ինձ համար միայն պատիվ է: Իսկ ինչ վերաբերում է կերպարիս, ապա կընթացեմ այսպես՝ բարի, անկեղծ, մի քիչ միամիտ աղջիկ: Հետաքրքիրն այն է, որ ինձ ճանաչողներն ասում են, որ ես ինձ եմ խաղում»:



Անդրադառնալով առաջիկա ստեղծագործական նորություններին՝ Դիանա Տորեսն ընդգծում է, որ այս շրջանում համագործակցում է միայն «Կույր աշխարհ» հեռուստանախագծի հետ, իսկ հետագա պլանների մասին դեռեւս խոսել չի կարող:

«Առաջարկներ այլ հեռուստանախագծերից եւս ստացել էի եւ ստանում եմ, բայց այժմ աշխատում եմ միմիայն «Կույր աշխարհ» հեռուստանախագծում»,- հավելեց դերասանուհին:

Հիշեցնենք, որ դերասանուհին մինչ այսօր Տորես Սարգսյանի հետ դատական գործընթացների մեջ է: Նշենք, որ դերասանուհի Տարես Սարգսյանը դիմահարդարներից մեկին գրել էր, որ չի ցանկանում իր լուսանկարները հրապարակել Դիանայի լուսանկարների կողքին. դա իրեն պատիվ չի բերում: Դիմահարդարը դա ցույց էր տվել Դիանային: Այս նամակը, հայտնվելով Դիանայի ձեռքի տակ, զայրացրել է նրան, եւ վերջինս մի քանի հետաքրքիր եւ սկանդալային «բացահայտում» էր արել Տարես Սարգսյանի մասին: Մասնավորապես, դերասանուհին, անդրադառնալով նրա բարոյակալությանը, նշել էր, թե Տարեսը «փողով դուրս է գալիս բիճեքի հետ»:

ԼԻՂԱ ԵՐԻԱԶՈՐՅԱՆ

ԼՈՒՐԵՐ

ՄՐՑԱՆԱԿԱԲԱՇԽՈՒԹՅՈՒՆ

MTV Europe Music Awards-ի (MTV EMA) այս տարվա մրցանակաբաշխության հավակնորդների ցուցակը հրապարակվել է 2022 թվականի հոկտեմբերի 12-ին: Ամենաշատը անվանակարգերը գլխավորում է Հարի Սթայլսը՝ յոթ տեղով, որին հաջորդում է Թեյլոր Սվիֆթը՝ վեցով, իսկ Նիկի Մինաժն ու Ռոզալիան՝ 5-ական անվանակարգով:

Մրցանակաբաշխությունը տեղի կունենա Նոյեմբերի 13-ին Դյուսելդորֆում PSD Bank Dome-ում, եւ ուղիղ եթերով կհեռարձակվի ավելի քան 170 երկրներում:

ՄԵՆԱԿԱՄԵՐՔԸ

ՆԵՏԱԶԳՎԵԼ Է

Քրիստինա Ազիլերայի՝ հոկտեմբերի 22-ին նախատեսված երեւանյան մենահամերգը հետաձգվել է: Այս մասին ասվում է «ՀԱՅԱ» փառատոնի ինստագրամյան էջում:

««ՀԱՅԱ» փառատոնը եւ սիրված երգչուհու անձնակազմը, կիսելով մեր երկրի քաղաքացիների հոգեվիճակը, որոշում կայացրին հետաձգել Քրիստինա Ազիլերայի մենահամերգը Երեւանում: Շուտով կիրառարկվի համերգի նոր ամսաթիվը: Բոլոր գնված տոմսերն ուժի մեջ են»,-նշված է հաղորդագրության մեջ:

ԱԶԱԿՑԵԼ Է ԲՐՈՋԸ

Քանյե Ուեսթը շարունակում է սկանդալների կիզակետում լինել: Վերջերս նա Փարիզի նորաձեւության շաբաթվա շրջանակում ներկայացրել էր իր հավաքածուն եւ այդ ընթացքում ներկայացել «Սպիտակների կյանքերը կարելու են» գրառմամբ մարգաշապիկով: Ավելի ուշ ռեպի կատարողի ինստագրամյան էջն արգելափակվել էր՝ աշխարհի մասին իր տեսակետների վերաբերյալ գրառումների ֆոնին: Քանյեն կոնֆլիկտի մեջ էր մտել հնարավոր բոլոր մարդկանց հետ: Մոդել Բեյլա Հադիդը նույնպես որոշել է անդրադառնալ այս ամենին եւ նշել է, որ իր ծննդյան տարեդարձը, որը հոկտեմբերի 9-ին էր, չի կարողացել վայելել:

«Ասել, որ վերջին երկու օրերին հեշտ է եղել նշել իմ ծննդյան տարեդարձը, կամ չմտածել այն բաների մասին, որոնք կատարվել են փողոցներում կամ ասել են սոցիալական ցանցերում, ես կստեմ»,- գրել է մոդելը եւ նշել, որ մտադիր չէ աջակցել բռնությանը որեւէ ձեւով:

«Ես կշարունակեմ պաշտպանել անմեղ մարդկանց՝ անկախ նրանից, թե ով եք դուք կամ որտեղից եք գալիս: Հակասեմիտիզմը կամ ցանկացած անմեղ հրեայի հետապնդումը, ուր էլ որ դա լինի, բնական չէ»,- նշել է Բեյլան:

Նա կոչ է արել չլռել ցավի եւ ապրումների մասին՝ նշելով, որ, ամեն դեպքում, ինչ որ պահի պետք է խոսել:

«Սերունդների տրավմա կա, երբ նրանց նախնիներին խոշտանգում են: Կան հրահրողներ, եւ ես այստեղ եմ, որպեսզի ասեմ, որ եթե ինչ-որ բան տեսնեք, խոսեք»,- ասել է Հադիդը եւ եզրափակելով իր խոսքը՝ դատապարտել հակասեմականության ցանկացած դրսեւորում:

«ՄՏՈՐՈՒՄՆԵՐԻ ԹԱՏՐՈՆՈՒՄ»

ԳՅՈՒՄԻՄԻԵՑԻ ՀԱՆԴԻՄԱՏԵՍԸ ԲՄԱԿԱՃ Է

Գյումրու երիտասարդական քառախումբը, որը ներկայացումներով հանդես է գալիս «Մտորումների քառույցում», միավորել է երեսակայություն, հեռաբերի խառնվածք ունեցող երիտասարդների եւ քառասուններին է մասնուցում դասական ստեղծագործությունների ոչ սովորական մեկնաբանություններ:

Թատերախմբի հիմնադիր, ռեժիսոր եւ դերասան Արմեն Արշալույսյանը կարծում է՝ թատերախումբը երազողների համար է, կանգառ է, որտեղ ստեղծագործելու եւ մասնագիտական ճանապարհ անցնելու նպատակով թատերախմբի շարքերը կհամալրվեն երիտասարդ ստեղծագործողներով:

Արմեն Արշալույսյանը միշտ է ցանկացել թատերախումբ հիմնադրել, սակայն ցանկությունն իրականացրել է 2021-ի նոյեմբերին: Նրա խոսքով՝ մշակութային հայրաքաղաքում վերջին տարիներին թատրոնի հանդեպ հետաքրքրությունն ու սերը մեծացել են: «Շատ է խոսվում այն մասին, որ գյումրեցի հանդիսատեսը քմահաճ է, խիստ, սակայն արվեստով շնչող ու ապրող քաղաքն առանց երիտասարդ արվեստագետների պատկերացնելը դժվար է: Ո՛վ պետք է ստեղծի նման



թատրոն, եթե ոչ երիտասարդները»,- ասում է նա եւ հավելում՝ Երեւանի թատրոնի եւ կինոյի պետական ինստիտուտի Գյումրու մասնաճյուղն ամեն տարի տասն ուսանող է ավարտում եւ կանգնում է աշխատանք գտնելու խնդրի առաջ: «Գյումրու թատրոններում դերասանների մեծ պահանջարկ չկա: Մի մասը, ամեն դեպքում, սպասում է առաջարկի, մյուս մասը փորձում է մայրաքաղաքում գտնել իր տեղը: Հիմնականում 10-ից մեկին է հա-

ջողվում մասնագիտությամբ աշխատել: Ո՛ր են գնալու. կասեմ Գյումրու երիտասարդական թատերախումբ»,- հասցեն նշում է նա: Թատերախումբը շուտով հանդես կգա առաջնախաղով: Բեմում կլինի «Վիկինգները՝ հսկայի քարանձավում» շվեդական հեքիաթի բեմականացված տարբերակը: Պրեմիերայից հետո խաղալու են Գյումրու «Մտորումների թատրոնում», հետո կսկսեն շրջագայությունները Շիրակի եւ այլ մարզերում:

● Հոկտեմբերի 15-ին The Dvin Hotel-ում տեղի կունենա «Գենետիկ կող» համերգ-փառատոնը: Տոմսերի արժեքը՝ 40000-140000 դրամ: Սկիզբը՝ ժամը 20:00-ին:



Էջը՝ ՈՂՋԱ ՊՈՂՈՍՅԱՆԻ

ԱՌՈՂՋԱՊԱՅՈՒԹՅՈՒՆ

ՀԱՐՑ. Ի՞նչ անել դեղահային գործունեության լիցենզավորման հայտի բավարարումից հետո:
Սիրա Պետրոսյան (38 տարեկան)



ՊԱՏԱՍԽԱՆ.

Լիցենզավորված անձը լիցենզավորված գործունեությունն սկսելուց առնվազն հինգ աշխատանքային օր առաջ լիազոր մարմին է ներկայացնում՝

1) դեղատանը (դեղեր պատրաստող եւ դեղեր չպատրաստող) աշխատանքն իրականացնող, համապատասխան որակավորում ունեցող դեղագետի կամ դեղագործի հետ կնքված աշխատանքային պայմանագրի պատճենները:

2) դեղատանը (դեղեր պատրաստող եւ դեղեր չպատրաստող) աշխատանքն իրականացնող, համապատասխան որակավորում ունեցող դեղագետի մասնագիտական կրթության փաստը հավաստող վկայականի եւ վերջին հինգ տարվա ընթացքում վերապատրաստման վկայականի, իսկ դեղագործի դեպքում՝ համապատասխան որակավորում ունեցող դեղագործի միջին մասնագիտական կրթության փաստը հավաստող վկայականը եւ վերջին հինգ տարվա ընթացքում վերապատրաստման վկայականը:

3) Հայաստանի Հանրապետության օրենսդրությամբ սահմանված կարգով վտանգավոր թափոնների վնասագերծման ոլորտում համապատասխան լիցենզիա ունեցող որեւէ կազմակերպության հետ կնքված պայմանագրի պատճենը,

4) Դեղատնային գործունեության իրականացման յուրաքանչյուր վայրի համար էլեկտրոնային առողջապահության համակարգը սպասարկող օպերատորի հետ կնքված էլեկտրոնային առողջապահության համակարգին միացման եւ սպասարկման պայմանագրի պատճենը:

ՀՀ առողջապահության նախարարություն

«ԺՈՂՈՎՈՒՐԳ».

Լիցենզավորված անձի կողմից համապատասխան որակավորում ունեցող դեղագետի կամ դեղագործի, հազեցվածության փոփոխման դեպքում լիցենզավորված անձը 3 աշխատանքային օրվա ընթացքում լիազոր մարմինն տեղեկացնում է իրականացված փոփոխության մասին՝ կցելով համապատասխան փաստաթղթերը:

ՍՈՑԻԱԼԱԿԱՆ

ՀԱՐՑ. Ինչպե՞ս ընդգրկվել որակավորված ներքին աուդիտորների ցանկում
Միսակ Հայրապետյան (28 տարեկան)

ՊԱՏԱՍԽԱՆ.

«Ներքին աուդիտի մասին» ՀՀ օրենքի 13-րդ հոդվածի 4-րդ մասի 5-րդ կետով նախատեսված ցանկում ընդգրկվելու նպատակով ՀՀ ֆինանսների նախարարություն կարող են դիմում ներկայացնել այն անձինք, որոնք ունեն՝

1. Հայաստանի Հանրապետությունում ներքին աուդիտի ոլորտում ընդունելի միջազգայնորեն ճանաչված հետեյալ որակավորումներից առնվազն մեկը՝

1) ներքին աուդիտորների միջազգային ինստիտուտի կողմից իր կրթական ստանդարտներին համապատասխան անցկացված քննությունների արդյունքում տրված ներքին աուդիտորի որակավորումը (Certified Internal Audit- CIA) կամ հանրային հատվածի աուդիտորի որակավորումը (Certified Government Auditing Professional - CGAP),

2) որակավորված երդվյալ հաշվապահների ասոցիացիայի (ACCA) կողմից անցկացված առնվազն բազային (Փունդամենտալ) 9 քննության (F1-F9) արդյունքում տրված հաշվապահ-աուդիտորի որակավորումը,

3) հանրային ֆինանսների եւ հաշվապահության արտոնագրված ինստիտուտի (Chartered Institute of Public Finance Accountancy- CIPFA) կողմից տրված որակավորումը,

4) որակավորված հանրային հաշվապահների ամերիկյան ինստիտուտի (American Institute of Certified Public Accountants) կողմից տրված հանրային հաշվապահի որակավորումը (CPA),

2. Հայաստանի Հանրապետությունում ներքին աուդիտի ոլորտում ընդունելի այլ կառույցների կողմից տրված հետեյալ որակավորումներից առնվազն մեկը՝

1) «Աուդիտորական գործունեության մասին» Հայաստանի Հանրապետության օրենքի համաձայն տրված աուդիտորի որակավորումը,

2) Հայաստանի Հանրապետության հաշվապահների եւ աուդիտորների ասոցիացիայի (ՀՀԱԱ) կողմից տրված աուդիտորի որակավորումը:

ՀՀ ֆինանսների նախարարություն

«ԺՈՂՈՎՈՒՐԳ».

Դիմումին կից պետք է ներկայացնել՝
- անձնագրի պատճենը,
- համապատասխան որակավորումը հավաստող փաստաթղթի պատճենը:

ԼՈՒՐ ԿԱԴՐ

Լուսանկարն արվել է Երեւանում



Քաղաքացիները հետաքրքիր ցուցավահանակով հորդորում են մարդկանց արբը չթափել շրջակա միջավայրում: Ցուցանակի հորդորին անսալով՝ մենք պետք է տարբերվենք պատկերված կենդանուց:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:


ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրատարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետեյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 13.10.2022
Պատկեր: Պետրոսյանի մոտո. ք. Կարմիր. 4 Նախագրություն 2011

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրատարակումներ են, որոնց համար խմբագրությունը պատասխանատվություն չի կրում: